

Ո Ր Ո Շ ՈՒ Մ թիվ- 53
վարչական տույժ նշանակելու մասին

«24» փետրվարի 2023թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա.Մնացականյանս, քննելով Խաչատուր Վաղինակի Մանուչարյանի վերաբերյալ նյութերը.

Պ Ա Ր Զ Ե Ց Ի՝

2021 թվականի սեպտեմբերի 27-ին Խաչատուր Վաղինակի Մանուչարյանը ՊԵԿ Արևելյան մաքսատուն-վարչության Բազրատաշենի մաքսային կետ-բաժնում 27.09.2021 թվականին լրացված թիվ 05100033/270921/0000656243 մաքսային մուտքի օրդերով՝ մինչև 26.03.2022 թվականը ժամկետով, ՀՀ է ներմուծել <<MERCEDES-BENZ E320>> մակնիշի, <<11339LI>> պետհամարանիշի ավտոմեքենա, որի ներմուծման ժամկետը երկարաձգվել է մինչև 26.09.2022 թվականը, սակայն սահմանված ժամկետում չի արտահանվել ՀՀ-ից և չի վերահայտարարագրել մաքսային այլ ընթացակարգով: 26.09.2022 թվականին ներմուծման ժամկետը երկարաձգելուց հետո մեկնել է ՀՀ-ից: 15.09.2022թ-ին վերջինս էլ. տարբերակով դիմել է մաքսային մարմիններ՝ ժամկետը կրկին երկարաձգելու համար, սակայն ստացել է մերժում: 06.11.2022 թվականին ժամանելով ՀՀ հայտնաբերել է ավտոմեքենան առևանգված, սակայն չի դիմել իրավապահ մարմիններին ինչից հետո մեքենան հայտնաբերել է ք. Ստեփանավանի շրջակայքի դաշտում, ամբողջովին քանդված վիճակում, որի վերաբերյալ կրկին չի դիմել ոստիկանություն և մեքենայի մնացած մասերը և պետհամարանիշը տեղափոխել է իր տուն:

Փաստի առթիվ ՊԵԿ իրավաբանական վարչությունում Խաչատուր Մանուչարյանի նկատմամբ ՀՀ մաքսային կարգավորման մասին օրենքի 308-րդ հոդվածի 1-ին մասի հատկանիշով 30.01.2023 թվականին կազմվել է մաքսային կանոնների խախտման վերաբերյալ արձանագրություն:

Վարչական վարույթի ընթացքում Խաչատուր Մանուչարյանը բացատրություն է տվել այն մասին, որ 27.09.2021 թվականին լրացված թիվ 05100033/270921/0000656243 մաքսային մուտքի օրդերով՝ մինչև 26.03.2022 թվականը ժամկետով ՀՀ է ներմուծել <<MERCEDES-BENZ E320>> մակնիշի, <<11339LI>> պետհամարանիշի ավտոմեքենա, որի ներմուծման ժամկետը երկարաձգվել է մինչև 26.09.2022 թվականը, սակայն սահմանված ժամկետում չի արտահանվել ՀՀ-ից: 26.09.2022 թվականին ներմուծման ժամկետը երկարաձգելուց հետո մեկնել է ՀՀ-ից: 15.09.2022թ-ին Խաչատուր Մանուչարյանը էլ. տարբերակով դիմել է մաքսային մարմիններ՝ ժամկետը կրկին երկարաձգելու համար, սակայն ստացել է մերժում: 06.11.2022 թվականին ժամանելով ՀՀ՝ հայտնաբերել է ավտոմեքենան առևանգված, սակայն չի դիմել իրավապահ մարմիններին ինչից հետո մեքենան հայտնաբերել է ք. Ստեփանավանի շրջակայքի դաշտում, ամբողջովին քանդված վիճակում, որի վերաբերյալ կրկին չի դիմել ոստիկանություն և մեքենայի մնացած մասերը և պետհամարանիշը տեղափոխել է իր տուն:

ԵԱՏՄ մաքսային օրենսգրքի 2-րդ հոդվածի 41-րդ կետի համաձայն՝ մաքսային հսկողությունը մաքսային մարմինների կողմից կատարվող գործողությունների ամբողջություն է, որոնք ուղղված են մաքսային կարգավորման ոլորտի միջազգային պայմանագրերի և (կամ) ակտերի ու մաքսային կարգավորման վերաբերյալ անդամ պետությունների օրենսդրության պահպանման սուուգմանը և (կամ) ապահովմանը.

ԵԱՏՄ մաքսային օրենսգրքի 14-րդ հոդվածի 1-ին կետի և 7-րդ կետի 1-ին ենթակետի համաձայն՝ Միության մաքսային տարածք ներմուծվող ապրանքները Միության մաքսային սահմանը հատելու պահից գտնվում են մաքսային հսկողության տակ: Սույն հոդվածի 1-ին և 3-րդ կետերում նշված, ինչպես նաև սույն հոդվածի 4-րդ կետում նշված ապրանքները, որոնք չեն ճանաչվել որպես Միության ապրանքներ՝ սույն Օրենսգրքի 210-րդ և 218-րդ հոդվածներին համապատասխան, գտնվում են մաքսային հսկողության տակ միության ապրանքների կարգավիճակ ստանալը՝ բացառությամբ սույն հոդվածի 12-րդ կետով նախատեսված դեպքի:

ԵԱՏՄ մաքսային օրենսգրքի 262-րդ հոդվածի 9-րդ կետերի համաձայն՝ Միության մաքսային տարածք ներմուծված անձնական օգտագործման ապրանքները Միության ապրանքների կարգավիճակ են ձեռք բերում դրանց ազատ շրջանառության համար բաց թողնելու պահից:

Հայաստանի Հանրապետության տարածք ներմուծվող ապրանքները ներմուծման մինչև որևէ մաքսային ընթացակարգով հայտարարագրվելը գտնվում են մաքսային հսկողության տակ:

ԵԱՏՄ մաքսային օրենսգրքի 264-րդ հոդվածի 6-րդ կետի համաձայն՝ ժամանակավոր ներմուծված անձնական օգտագործման տրանսպորտային միջոցները միության մաքսային տարածքում պետք է գտնվեն հայտարարատուի փաստացի տիրապետման և օգտագործման տակ, եթե այլ բան սահմանված չէ սույն հոդվածով:

Մաքսային կարգավորման մասին ՀՀ օրենքի 191-րդ հոդվածի 1-ին մասի համաձայն՝ արգելվում է մաքսային հսկողության ներքո գտնվող ապրանքներն ու տրանսպորտային միջոցներն առանց մաքսային մարմնի թույլտվության մասնակի կամ ամբողջությամբ հանձնելը, օտարելը կամ ոչնչացնելը, ինչպես նաև ապրանքների և տրանսպորտային միջոցների բեռնումը, բեռնաթափումը, փոխաբեռնումը, փաթեթների վնասվածքների վերացումը, փաթեթների բացումը, փաթեթավորումը, վերափաթեթավորումը կամ այդ ապրանքների կամ դրանց ուղեկցող փաթեթների վրա դրված մաքսային ապահովման միջոցները փոխելը:

ՀՀ մաքսային կարգավորման մասին օրենքի 301-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային կարգավորման մասին 308-րդ հոդվածի 1-ին մասի համաձայն՝ առանց մաքսային մարմնի գրավոր թույլտվության մաքսային հսկողության ներքո գտնվող ապրանքները կամ տրանսպորտային միջոցները մասնակի կամ ամբողջությամբ հանձնելը օտարելը, ոչնչացնելը, ինչպես նաև մաքսային հսկողության ներքո գտնվող ապրանքները կորցնելը՝ առաջացնում է տուգանք՝ այդ ապրանքների և տրանսպորտային միջոցների մաքսային արժեքի երեսուն տոկոսի չափով:

Խաչատուր Մանուչարյանը 2023թ-ի փետրվարի 24-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 308-րդ հոդվածի 1-ին

մասի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն՝ ՀՀ մաքսային կարգավորման մասին օրենքի 332-րդ հոդվածի 2-րդ մասի՝ չներկայանալու դեպքում վարչական գործի քննությունը կիրականացվի առանց իր մասնակցության:

Համաձայն ՀՀ կենտրոնական բանկի պաշտոնական կայքէջի տվյալների՝ 1 ԱՄՆ դոլարի փոխարժեքը 27.09.2021թ-ի դրությամբ՝ կազմել է 395.88 ՀՀ դրամ, այսինքն՝ 1997 թվականի արտադրության <<MERCEDES-BENZ E320>> մակնիշի, <<II339LI>> հաշվառման համարանիշի ավտոմեքենայի արժեքը՝ 800 ԱՄՆ դոլարը, համարժեք է եղել 316704 ՀՀ դրամին:

Այսպիսով, գործի նյութերով պարզվել է, որ Խաչատուր Մանուչարյանը թիվ 05100033/270921/0000656243 մաքսային մուտքի օրդերով ՀՀ է ներմուծել <<MERCEDES-BENZ E320>> մակնիշի, <<II339LI>> հաշվառման համարանիշի ավտոմեքենա՝ 316704 ՀՀ դրամ արժեքով, որը մաքսային հսկողության ներքո գտնվելու ժամանակ, առանց մաքսային մարմնի թույլտվությամբ կորցրել է, այսինքն՝ վերջինս թույլ է տվել ՀՀ մաքսային կարգավորման մասին օրենքի 308-րդ հոդվածի 1-ին մասով նախատեսված մաքսային կանոնների խախտում, ինչը հիմնավորվում է մաքսային կանոնների խախտման արձանագրությամբ, թիվ 05100033/270921/0000656243 մաքսային մուտքի օրդերով և Խաչատուր Մանուչարյանի բացատրությամբ:

Վերոգրյալի հիման վրա և ղեկավարվելով ՀՀ մաքսային կարգավորման մասին օրենքի 308-րդ հոդվածի 2-րդ մասով, 322-րդ և 334-րդ հոդվածներով,

Ո Ր Ո Շ Ե Ց Ի՝

1. Խաչատուր Վաղինակի Մանուչարյանին (ՀՀ, Լոռու մարզ, ք. Ստեփանավան, Մատրոսովի 1, անձնագիր՝ 17AA90545) ճանաչել զանցառու ՀՀ մաքսային կարգավորման մասին օրենքի 308-րդ հոդվածի 2-րդ մասով և նրան տուգանել թիվ 05100033/270921/0000656243 մաքսային մուտքի օրդերով ներմուծված ավտոմեքենայի մաքսային արժեքի 30 տոկոսի չափով՝ 95012 ՀՀ դրամ:

/վճարումը՝ 900005024055 հաշվեհամարին կող 19/:

2. Որոշման մասին հայտնել Խ.Մանուչարյանին՝ պարզաբանելով, որ ՀՀ մաքսային կարգավորման մասին օրենքի 334-րդ հոդվածի 2-րդ կետի համաձայն՝ որոշումն ուժի մեջ է մտնում կայացման պահից, իսկ նույն հոդվածի 4-րդ կետի համաձայն՝ որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով՝ 2 ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ